

STARFSLEYFI

fyrir Malbikunarstöðina Hvammsvík hf., Smárahvammi, Garðabæ,
til að framleiða malbik.

1. gr.

Almenn ákvæði.

- 1.1. Stöðinni er heimilt að framleiða malbik. Þess skal gætt að ekki sé um að ræða sérstaka mengun vegna óeðlilegs álags á tækjakost. Óheimilt er að gera teljandi breytingar á tækjakosti á starfstímanum án samráðs við Hollustuvernd ríkisins.
- 1.2. Stöðin skal sjá um að á öllu athafnasvæðinu sé gætt fyllsta hreinlætis, og skal öllum úrgangi komið fyrir í samráði við heilbrigðisnefnd Garðabæjar. Girða skal lóð fyrirtækisins.
- 1.3. Hollustuvernd ríkisins getur að höfðu samráði við umsagnaraðila lagt til við heilbrigðisráðherra að starfsleyfið verði endurskoðað, ef í ljós koma skaðleg áhrif á umhverfið sem ekki voru ljós fyrir. Sama gildir ef almennar kröfur, ráð og tæki koma til aukinna mengunarvana.
- 1.4. Um varnir gegn skaðlegum áhrifum á starfsmenn og starfsumhverfi fer skv. lögum nr. 45/1980 um aðbúnað, hollustuhætti og öryggi á vinnustöðum.

2. gr.

Varnir gegn ytri mengun.

- 2.1. Malbikunarstöðin skal koma í veg fyrir rykmengun vegna flutnings á steinmulningi og sandi, eftir því sem kostur er. Fallhæð efnis við flutning í kaldmatara skal aldrei vera meiri en 2 m.
- 2.2. Malbikunarstöðin skal, í samráði við sérfróða aðila, sjá svo um að olíubrennarar séu ætíð þannig stilltir, að um sem minnsta rykmengun sé að ræða. Ennfremur skal stöðin sjá um svo sem kostur er, að óþægileg lykt eða reykur berist ekki inn í íbúðarhverfi.
- 2.3. Útblástursloft frá þurrk- og blöndunartromlu skal leiða í gegnum rykskiljur með góða skiljunarhæfni. Útblástursloft má ekki innihalda meira en 150 mg af ryki í normalrúmmeter, eftir að hafa farið í gegnum hreinsibúnað.
- 2.4. Útblástursloft frá hreinsibúnaði skal leiða út í gegnum skorstein. Hæð skorsteinsins skal ákveðin í samráði við Hollustuvernd ríkisins.
- 2.5. Skorsteinn skal þannig útbúinn, í samráði við Hollustuvernd ríkisins, að auðvelt sé að framkvæma mælingar, til þess að fylgjast með ástandi útblástursloftsins.
- 2.6. Frárennsli, sem getur verið mengað olíu, skal leiða í gegnum olíugildrur, áður en það er leitt burt. Slíkt frárennsli skal hafa a. m. k. einnar klst. viðdvöl í olíugildru, og yfirborðshleðsla gildrunnar skal ekki vera meiri en $2 \text{ m}^3/\text{m}^2$ á klst.
- 2.7. Malbikunarstöðin skal sjá til þess að hávaði sé takmarkaður, eftir því sem kostur er. Hávaði við lóðamörk skal eigi vera meiri en 60 dB(A) að degi til og 50 dB(A) að kvöld og næturlagi, miðað við mælingu jafngildishávaða í 10 mín. í senn.
- 2.8. Verksmiðjan skal sjá svo um að allur mengunarvarnarbúnaður sé ávallt í fullkomnu lagi og að ráðstafanir til varnar mengun haldi upphaflegu gildi sínu.
Hafa skal reglulegt eftirlit með búnaðinum svo sem stillingu á olíubrennurum o. fl. og halda skrá yfir niðurstöður. Fulltrúum heilbrigðisyfirvalda skal heimill aðgangur að þessum upplýsingum þegar óskað er.
Viðhald alls búnaðarins skal vera fyrirbyggjandi og skal m. a. taka mið af eðlilegum endingartíma hinna ýmsu hluta. Þá skal varahlutalager einnig við það miðaður.

3. gr.

Gildistaka og gildistími.

1. Starfsleyfi þetta, sem veitt er í samræmi við reglugerð nr. 319/1985, um starfsleyfi fyrir atvinnurekstur, sem getur haft í för með sér mengun, sem sett er með stoð í 3. gr. laga nr. 109/1984, um hollustuhætti og heilbrigðiseftirlit, öðlast gildi þegar í stað og gildir til og með 30. nóvember 1987.

Heilbrigðis- og tryggingamálaráðuneytið, 31. júlí 1986.

Ragnhildur Helgadóttir.

Ingimar Sigurðsson.

18. ágúst 1986

Nr. 379

AUGLÝSING**um staðfestingu á aðalskipulagi Þingeyrar 1985—2005.**

Samkvæmt skipulagslögum nr. 19 21. maí 1964 hefur ráðuneytið hinn 12. ágúst 1986 staðfest uppdrátt af aðalskipulagi Þingeyrar 1985—2005.

Uppdráttur þessi hefur hlotið þá meðferð, sem skipulagslög nr. 19/1964 mæla fyrir um. Hreppsnefnd Þingeyrar hefur samþykkt hann og skipulagsstjórn ríkisins mælt með að hann verði staðfestur.

Jafnframt fellur úr gildi staðfestur skipulagsuppdráttur af Þingeyri frá 10. febrúar 1944.

Félagsmálaráðuneytið, 18. ágúst 1986.

Alexander Stefánsson.

Pórhildur Línadal.

15. ágúst 1986

Nr. 380

REGLUGERÐ**um hækkun á bótum almannatrygginga.**

1. gr.

Upphæðir bóta almannatrygginga samkv. lögum nr. 67/1971, um almannatryggingar, með síðari breytingum, skulu hækka um 3,39% frá 1. september 1986 að telja frá því sem þær eru 31. ágúst 1986. Bætur samkv. 19. gr. skulu hækka jafnmikið frá sama tíma.

2. gr.

Reglugerð þessi er sett samkv. 79. gr. laga nr. 67/1971 og öðlast gildi 1. september 1986. Jafnframt fellur úr gildi reglugerð nr. 267/1986.

Heilbrigðis- og tryggingamálaráðuneytið, 15. ágúst 1986.

Ragnhildur Helgadóttir.

Páll Sigurðsson.